

სსიპ “ლაბორატორიული კვლევითი ცენტრი“

ფიზიკური მახასიათებლების კონტროლის ხელსაწყოების

CPV კოდი- 38400000

გამარტივებული ელექტრონული ტენდერის
საშუალებით სახელმწიფო შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

ქ. ბათუმი

2015 წელი

1. ტექნიკური დავალება

1.1. პრეტენდენტის მიერ წარმოდგენილი სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

ა) პრეტენდენტის რეკვიზიტების და სატენდერო წინადადების ფასის შესახებ დანართი N1-ს შესაბამისად.

ბ) პრეტენდენტმა უნდა უზრუნველყოს დანართი #2-ს შესაბამისი ტექნიკური პირობების და კომპლექტაციის მქონე როტაციული ასაორთქლებელის და გაზის ანალიზატორის მოწოდება.

გ) ფასების ცხრილის შესახებ დანართი №3-ს შესაბამისად. ობიექტის საერთო და ერთეულის ფასი გამოსახული უნდა იქნეს საქართველოს კანონმდებლობით განსაზღვრული ყველა გადასახადის გათვალისწინებით(დღგ-ს გარეშე)

აუცილებელი პირობა:

შემოთავაზებული საქონელი არ უნდა იყოს ექსპლუატაციაში ნამყოფი, უნდა იყოს ახალი ქარხნული წარმოების, ქარხნული შეფუთვით. მოწოდებულ საქონელს უნდა ახლდეს შესაბამისი დოკუმენტაცია (ტექნიკური პასპორტი).

1.2. ანგარიშსწორების პირობები:

1.2.1. ანგარიშსწორება განხორციელდება უნაღდო ანგარიშსწორების ფორმით ლარში.

1.2.2. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული ყველა გადასახადის გათვალისწინებით (დღგ-ს გარეშე), თუ ტენდერში გამარჯვებული დღგ-ს გადამხდელია, კანონმდებლობით დადგენილი წესით დღგ-ს ღირებულება გათვალისწინებული იქნება ხელშეკრულებაში.

1.2.3. მიმწოდებელთან საბოლოო ანგარიშსწორება განხორციელდება მიმწოდებლის მიერ ხელშეკრულების ფარგლებში ფაქტიურად მიწოდებული საქონლის გადაცემაზე გაფორმებული მიღება-ჩაბარების აქტის შედგენიდან და სასაქონლო-ზედნადების/საგადასახადო ანგარიშ-ფაქტურის/შესაბამისი დოკუმენტების წარმოდგენიდან 15 (თხუთმეტი) სამუშაო დღის განმავლობაში.

1.3. მიწოდების პირობები და ვადები:

1.3.1. საქონლის სრული მიწოდება უნდა განხორციელდეს ხელშეკრულების დადებიდან არაუგვიანეს 30 კალენდარული დღისა;

1.3.2. საქონლის მიწოდებას მიმწოდებელი უზრუნველყოფს საკუთარი ხარჯებით.

1.3.3. საქონლის მიწოდების ადგილად განისაზღვრება: ქ. ბათუმი, დასახლება ქვედა სამება, სსიპ „ლაბორატორიული კვლევითი ცენტრი“-ს ადმინისტრაციული შენობა.

1.4 პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია

1.4.1 პრეტენდენტის რეკვიზიტების და სატენდერო წინადადების ფასის შესახებ დანართი N1-ის შესაბამისად.

1.4.2 ტექნიკური პირობები დანართი #2-ს შესაბამისად

1.4.3 ფასთა ცხრილი დანართი #3-ს შესაბამისად

1.4.4 ყველა დოკუმენტი რომელიც აიტვირთება სისტემაში უნდა იყოს ხელმოწერილი ან/და ბეჭედდასმული.

1.5 საგარანტიო პირობები და ვალდებულებები

1.5.1 მოწოდებული საქონლის საგარანტიო ვადა უნდა შეადგენდეს არანაკლებ 12 თვეს, ამასთან აღნიშნული დროის განმავლობაში მომწოდებლის/მწარმოებელი ფირმის მიერ უნდა მოხდეს უფასო ტექნიკური მომსახურება აღნიშნულ საქონელთან დაკავშირებით.

1.5.2. საგარანტიო მომსახურება გულისხმობს საგარანტიო პერიოდში ნებისმიერი ხარვეზისა და დეფექტის აღმოფხვრას, გარდა შემსყიდველის ბრალეული მოქმედებით გამოწვეული მექანიკური დაზიანებისა.

1.5.3 იმ შემთხვევაში თუ ვერ მოხერხდა დანადგარის შეკეთება, მომწოდებელი ვალდებულია უზრუნველყოს დანადგარის ახლით შეცვლა.

1.5.4. თუ მიმწოდებელი საგარანტიო პერიოდში ვერ უზრუნველყოფს დანადგარის ექსპლუატაციის პროცესში წარმოშობილი ხარვეზების აღმოფხვრას, შემსყიდველი უფლებამოსილია მიმართოს სასამართლოს ზიანის ანაზღაურების მოთხოვნით, მიმწოდებლისათვის წერილობითი შეტყობინების გაგზავნიდან 20 დღის განმავლობაში.

1.6. დამატებითი მოთხოვნები

1.6.1. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

1.6.2. სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯის გათვალისწინებით, როგორიცაა: ტრანსპორტირების და განბაჟების ხარჯები და საქართველოს კანონმდებლობით დადგენილი გადასახადები (დღგ-ს გარეშე)

1.6.3. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

1.6.4. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.6.5. შეუსაბამობის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.6.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. ბათუმი

2015 წელი

ერთიმხრივ, სსიპ- ლაბორატორიული კვლევითი ცენტრი (შემდგომში „შემსყიდველი“) წარმოდგენილი ცენტრის უფროსის რამაზ სურმანიძის სახით და მეორეს მხრივ, ————— (შემდგომში „მიმწოდებელი“) წარმოდგენილი მისი ————— სახით, გამარტივებული ელექტრონული ტენდერის (SPA —————) ჩატარების შედეგად ვდებთ წინა მდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ფასების ცხრილი“ – მიმწოდებლის მიერ ელექტრონული ტენდერის ფარგლებში წარმოდგენილი „ფასების ცხრილი“.

2. ხელშეკრულების საგანი

- 2.1. წინამდებარე ხელშეკრულებით მიმწოდებელი კისრულობს ვალდებულებას მიაწოდოს შემსყიდველს როტაციული ასაორთქლებელის და გაზია ანალიზატორის (დანაყოფის კოდი - 384000000), შემდეგში „შესყიდვის ობიექტი/საქონელი“, ხელშეკრულების 3.1 პუნქტით გათვალისწინებული ანაზღაურების სანაცვლოდ.
- 2.2. დანადგარის დასახელება, ერთეულის ფასი და რაოდენობა განისაზღვრება ფასთა ცხრილით (დანართი №3), რომელიც წარმოადგენს ხელშეკრულების განუყოფელ ნაწილს.

2.3. საქონლის ტექნიკური პირობები განსაზღვრულია დანართი N2-ის მიხედვით, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების საერთო ღირებულება შეადგენს _____ ლარს.

3.2. ხელშეკრულების ღირებულება მოიცავს ხელშეკრულებით გათვალისწინებული საქონლის შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

3.3. ხელშეკრულების ღირებულება დაიფარება შემსყიდველი ორგანიზაციის საკუთარი შემოსავლებიდან

4. საქონლის მიწოდების პირობები

4.1. საქონლის მიწოდება უნდა განხორციელდეს ხელშეკრულების დადებიდან **არაუგვიანეს 30 დღისა**

4.2. მიწოდებული საქონელი უნდა იყოს ნივთობრივად და უფლებრივად უნაკლო და აკმაყოფილებდეს ხარისხის დადგენილ სტანდარტებს.

4.3. თუ მიმწოდებელი არ უზრუნველყოფს უფლებრივად და ნივთობრივად უნაკლო საქონლის მიწოდებას 4.1. პუნქტით გათვალისწინებულ ვადაში, აღნიშნული ჩაითვლება საქონლის მიწოდების ვადის დარღვევად და მიმწოდებელს დაეკისრება პირგასამტეხლოს გადახდა ხელშეკრულების 8.1. პუნქტის შესაბამისად.

4.4. საქონლის მიწოდებას მიმწოდებელი უზრუნველყოფს საკუთარი ხარჯებით.

4.5. საქონლის მიწოდების ადგილია: ქ. ბათუმი, დასახლება ქვედა სამება, სსიპ - ლაბორატორიული კვლევითი ცენტრის ადმინისტრაციული შენობა.

4.6. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარებას ახორციელებენ სათანადოდ უფლებამოსილი პირები (შემსყიდველის მხრიდან - მიმღები კომისია) მიღება-ჩაბარების აქტის საფუძველზე ფაქტობრივად მიწოდებული საქონლის შესაბამისად.

5.2. იმ შემთხვევაში, თუ მიწოდებული საქონელი შეესაბამება ხელშეკრულებით გათვალისწინებულ მოთხოვნებს, მიმღები კომისია ახორციელებს საქონლის მიღებას, ხოლო თუ გამოვლინდება, რომ საქონელი არ აკმაყოფილებს ხელშეკრულების პირობებს, შემსყიდველს უფლება აქვს არ მიიღოს ნაკლის მქონე საქონელი და მოსთხოვოს მიმწოდებელს ხარვეზის აღმოფხვრა 10 დღის ვადაში.

5.3. თუ მიმწოდებელი არ უზრუნველყოფს ხარვეზის აღმოფხვრას 5.2. პუნქტით განსაზღვრულ ვადაში, შემსყიდველი უფლებამოსილია ცალმხრივად შეწყვიტოს ხელშეკრულება. ამასთან, მიმწოდებელს დაეკისრება პირგასამტეხლოს გადახდა წინამდებარე ხელშეკრულების 8.3. პუნქტის შესაბამისად, ხელშეკრულების პირობების შეუსრულებლობისათვის.

6. ანგარიშსწორების ფორმა, წესი და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში, მიმწოდებლის კუთვნილ საბანკო ანგარიშზე თანხის ჩარიცხვის გზით.
- 6.2. შემსყიდველის მიერ საბოლოო ანგარიშსწორება განხორციელდება მიღება-ჩაბარების აქტის გაფორმებიდან და სასაქონლო ზედნადების/საგადასახადო ანგარიშფაქტურის წარმოდგენიდან 15 (თხუთმეტი) სამუშაო დღის ვადაში.

7. ხელშეკრულების შესრულების კონტროლი

- 7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანსაც წარმოადგენს საქონლის მიწოდების ვადების ხელშეკრულების მოთხოვნებთან შესაბამისობის დადგენა, მიწოდებული საქონლის ხელშეკრულების მოთხოვნებთან შესაბამისობის დადგენა.
- 7.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი ტექნიკური საშუალებებით და სხვა სამუშაო პირობებით.
- 7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულების პირობების შეუსრულებლობა

- 8.1. თუ მიმწოდებლის მიერ დარღვეულ იქნა ხელშეკრულებით გათვალისწინებული მიწოდების ვადები, მაშინ მას დაეკისრება პირგასამტეხლოს გადახდა შეუსრულებელი ვალდებულების 0,07 %-ს ოდენობით ყოველ ვადაგადაცილებულ დღეზე.
- 8.2. პირგასამტეხლოს გადახდა არათავისუფლებს მხარეს ძირითადი ვალდებულებების შესრულებისაგან.
- 8.3. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების საერთო ღირებულების 10%-ს, შემსყიდველს უფლება აქვს შეწყვიტოს ხელშეკრულება. სახელმწიფო შესყიდვის შესახებ ხელშეკრულების პირობების მიმწოდებლის მიერ შეუსრულებლობისას შემსყიდველის მიერ ხელშეკრულების ცალმხრივად შეწყვეტის შემთხვევაში, მიმწოდებელს დაეკისრება პირგასამტეხლო ხელშეკრულების ღირებულების 10 (ათი)%-ის ოდენობით.

9. დაუძლეველი ძალა

- 9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი ძალის გარემოების შედეგი.
- 9.2. ამ მუხლის მიზნებისათვის “დაუძლეველი ძალა” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3. დაუძლეველი ძალის გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობი სმიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ დაუძლეველი ძალის გარემოებების ზეგავლენისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ემუხლით გათვალისწინებული შემთხვევებისა. ხელშეკრულების პირობების გადასინჯვა განხორციელდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისთვის ვალდებულებების შეუსრულებლობის შესახებ წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზის გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

10.5. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

12. გადასახადები და დაბეგვრა

12.1. უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

12.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

13. დავები და მათი გადაწყვეტის წესი

13.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით.

13.2. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ როგორც კონკურენციისა და სახელმწიფო შესყიდვების სააგენტოს, ასევე სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2015 წლის 31 დეკემბრის ჩათვლით.

15. სხვა პირობები

ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16. მხარეთა რეკვიზიტები:

„შემსყიდველი“:	„მიმწოდებელი“:
სსიპ - „ლაბორატორიული კვლევითი ცენტრი“	
ს/კ 245645235	
ელ. ფოსტა: Samebalab@gmail.com	
მის: ქ. ბათუმი, დასახლება ქვედა სამება	
სახელმწიფო ხაზინის ერთიანი ანგარიში	
ა/ა 740347519	
ცენტრის უფროსი: რამაზ სურმანიძე -----	

დამატებითი ინფორმაცია:

მიმწოდებელი ვაღდებულება გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში შესაბამის ღილაკზე დაჭერით.

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში.

მის: ქალაქი ბათუმი, დასახლება ქვედა სამება.

ელ. ფოსტა: samebalab@gmail.com

საკონტაქტო პირი: ლევან ბალაძე მობ: 591-95-88-30

1. პრეტენდენტი პირის რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის სახელი, გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი/ფაქსი/მობილური:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშსწორების ანგარიში:

- 1. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:**

(პრეტენდენტის დასახელება)

(შევსების თარიღი)

როტაციული ასაორთქლებელი №1

ტექნიკური მახასიათებლები	
ასაორთქლებელი კოლბის მოცულობა	არანაკლებ 500 მლ
მიმღები კოლბის მოცულობა	არანაკლებ 1000 მლ
ტემპერატურის დისკრეტულობის მაჩვენებელი	0,1
ბრუნვის სიჩქარის დიაპაზონი	5-180 ბრ/წთ
მაცივრის ტიპი	ვერტიკალური
ტემპერატურის დიაპაზონი	+20 ... +180 °C
აბაზანის აწევის რეჟიმი	ავტომატური
ტემპერატურის შენარჩუნების სიზუსტე	±0,1°C
ელ. კვების წყარო	220±10 ვოლტი 50±1ჰც
დენის მაქსიმალური სიმძლავრე.	არაუმეტეს 1500 ვტ
მასა	
საგარანტიო ვადა	არანაკლებ 1 წელი

შემადგენლობა:

- მართვის ბლოკი,
- მაცივარი;
- აორთქლების კოლბა,
- მიმღები კოლბა,
- მილის შევსების ვაკუუმური სარქველი;
- გადამყვანი ძრავით;
- შტატივი;
- მაცივრის დამჭერი;
- მიმღები კოლბის მოჭერი;
- ასაორთქლებელი კოლბის მოჭერი;
- აბაზანა მართვის ელექტრონული ბლოკით და ამწევი მექანიზმით.

სათადარიგო ნაწილები:

- რეზინის საცობი;
- დამცველი 1A;
- აორთქლების კოლბა 500 მლ-იანი.

საზომი ხელსაწყო -გაზის ანალიზატორი №2

<i>ტექნიკური მახასიათებლები</i>	
გაზომვის ობიექტი	CO, SO ₂ ,
გაზომვის დიაპაზონი	SO ₂ -0-20 მგ/მ3 CO - 0-50 მგ/მ3
გაზომვის აბსოლუტური დასაშვები ცდომილება, არაუმეტეს	CO±5 მგ/მ3 SO ₂ ±2,5 მგ/მ3
აპარატის გათბობის დრო, არაუმეტეს წთ	3
მუშაობის ტემპერატურის დიაპაზონი	-20°C -დან +45 °C - მდე
ავტონომიურ დენის წყაროთი უწყვეტი მუშაობის დროის ხანგრძლივობა, არანაკლებ სთ	8
ელ. კვების წყარო	აკუმულატორი
დენის მაქსიმალური სიმძლავრე, არაუმეტეს	0.9 ვტ
მასა	არაუმეტეს 1,2კგ
საგარანტიო ვადა	არანაკლებ 1 წელი

კომპლექტაცია:

1. ანალიზატორი (სენსორების ბლოკი, ინდიკაციის ბლოკი, კვების ბლოკი) - 1;
2. სინჯის ასაღები ზონდი 1;
3. ექსპლუატაციის სახელმძღვანელო - 1;
4. პასპორტი - 1;
5. ჩანთა - 1.

დანართი №3

საქონლის დასახელება	მწარმოებელი ქვეყანა	მწარმოებელი ფირმა	მოდელი	რაოდენობა	ფასი
როტაციული ასაორთქლებელი №1				1	
გაზის ანალიზატორი №2				1	

შენიშვნა: იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.